

Хүндүлүг номчуку!

Келир чаа 2003 чылдың I-ги чартында «Шын» солунга чагыдылга чер-черде чоруп турар. Солуннуг болур дизиңерзе, амдыгааштан эгелеп чагыдып алырынче далажыңар.

Чурттакчы чонга чагыдылганың чартык чылда өртээ – 215 рубль, ооң иштинде: чагыдылга өртээ – 100 рубль, чедирилгези дээш – 115 рубль. Үш айда – 108 рубль.

Организацияларга – 265 рубль, ооң иштинде: чагыдылга өртээ – 150 рубль, чедирилгези – 115 рубль. Үш айда – 133 рубль.

Өй-шаанда чагыдып алыр дээш далажыңар. Чагыдылганы почта салбырларында хүлээп ап турар.



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де
үнүп эгелээн

№ 143 (16601)

2002 чылдың
ДЕКАБРЬ 10,
вторник

Ат салган шагы 19.30
Садар өртээ 3 рубль.

Чазак Даргазының ажил-албаны

УДАВАС АЖЫГЛАЛГА КИРЕР

Тыва Республиканың Чазаның Даргазы Ш.Д. Ооржак үр үениң иштинде Москвага бюджет камгалалыңа киришкениниң соонда, чанып келгеш, эрткен пятницада халдавырлыг аарыглар эмнелгезиниң тудуунда байдал-биле таньжып чораан.

15 чыл бурунгаар тудуп эгелээн бо объектиниң тудуу соксаан турган. Бо үениң дургузунда канчал чаарттынар ол харын эргижиреп, элээн болгай. Телевилели база эргижирээн. Чижээ, үшкү каътта чангыс ниити коридорну кылган, ооң ужурунда эмчи ажылдакчылары, аңаа барган кадык азы аарыг кижилер халдавырлыг аарыгларны нептередип болур. Ынчангаш аарыг кижилерни баштайгы үеде бирги, ийги каътка эмнээш, сегиирин барымдаалап, үшкү каътче шилчидерин

эмнелгениң кол эмчизи Ч.Х. Иргит дыңнаткан.

Бо хүннерде ук эмнелге ажылдалга киреринче чоокшулап келген. Чедир кылыр ажылдар чоруп турар. Халдавырлыг аарыглар эмнелгези болганда, шарыыр, чыпшырар материалдарны, лабораторлуг биоматериалдарны узуткап, өрттедир печканы тудуп турар. Ол ышкаш хеп, херекселдер чуур черни тудар.

Ол эмнелге-биле кожа кардиология болгаш диш эмнээр объектилерниң бажыңнарын

тудуп турар. Мооң ужурунда эмчи хоорайжыгажын долгандыр дуглап херимнээри чугула апарган. Республиканың агаар-бойдузу бир янзы болганындан кижилер янзы-бүрү аарыгларга, ооң иштинде гепатитке таваржып болур, ооң чижээ болза Россияның деңгели-биле алырга, Тыва гепатит аарыгынын талазы-биле бирги одуругларда кирип турар. Чаа эмнелге удавас ажылдалга кирерин эмчилер манап турар.

Надежда ЭРГЕП.

«Шын» солунга
чагыдылганың доостурунга
чедир 14 ХОНУК арткан.
Чагыдып алырынче
далажыңар.

ПОЧТАЧЫ



Саяна МАКАЛ-ООЛ:

— Солун, сеткүүлдерлиг өрегелер көвүдөп орат. Чагыдылгалыг бажыңнарже эртенниң-не далажыштар-дыр мен. Чагыдылганың хөй-ниити таралышчылары «Шын» солуннун мөөрейинге киржи берген.

Саяна Сүүр-ооловна Шагаан-Арыг хоорай чурттуг. Кожуун төвүнде чуртталга бажыңнарының ээлери почта чедирикчизин хүндүлээр.

ХООЙЛУЛАРНЫ КАДЫ АЖЫЛДАП КЫЛЫР

Тыва Республиканың Чазаның Даргазы Ш.Д. Ооржак эрткен неделяның төнчүзүндө ТР-ниң Улуг Хуралының палаталарының даргалары-биле ужурашкаш, Тываның катап тургускан Парламентизиниң моон соңгааргы ажылыңга холбашкан айтырыгларны чугаалашкан.

Эрткен чылдың май айда республика референдумунга хүлээп алган ТР-ниң Конституциязының негелделерин хоойлужудулга талазы-биле хандырар, кады чорудар хемчеглерниң планын ажылдап кылыры эргежок чугула апарганын ужуражышкыңга демдеглээн. Республиканың чаа үндезин Хоойлузунд бүгү чүүлдерни долу хемчээлге ажылдай бээрин хандырар төлээде, конститушчу 10 хоойлуну, ТР-ниң 100 ажыг хоойлуларын хүлээп алыры негетинип турар. Бо улуг ажылдың кол үүргези ТР-ниң Улуг Хуралының депутаттарынга онаажыр. Ам чорудар ажылдарның үре-түңнелдиг болуру, чүнүн-даа мурнунда, хоойлужудулга чорудуунда киржип турар эрге-чагырга органның аразында харылзааларының байдалындан бөгүн тургустунган

организаствыг айтырыгларны шийтирилээриниң шынарындан хамааржыр.

Чазактын болгаш Улуг Хуралдың ийи палатазының удуртукчулары моон соңгаар кады ажылдаарының чурумун болгаш республиканың чаа хоойлуларын ажылдап кылырының тодаргай планын бо айда-ла ыяк тодардырын көргөн. Республика Баштыңының бодалын езугаар алырга, Төлээлекчилер палатазының, Хоойлужудулга палатазының болгаш Чазак Даргазының аразында моон соңгаар кады ажылдажылга харылзаазы бот-бодун хүндүлөжип көөрүнүн, республика Конституциязын хүндүлээриниң, а ол ышкаш эрге-чагырга хүлээлгелерин болгаш бүрүн эргелерни шын ылгап, ажылдаарыңга үндөзилеттинер ужуруг бооп турар. Ийи палатаның кады ажылдажылгазының үезин-

де тургустуна берип чадавас айтырыгларны болдурбазы-биле Парламентиниң кайы-даа палатазынын туружун, ролон болгаш бүрүн эргелерин, а ол ышкаш оларның кады ажылдажылгазының принциптерин болгаш тода механизмдерин тодараткан ТР-ниң Улуг Хуралының дугайында хоойлуну дүрген хүлээп алыры күзенчиг бооп турарын Ш.Д. Ооржак чугулап демдеглээн.

Бөгүн ТР-ниң УХ-ниң Төлээлекчилер палатазының депутаттары материал-техниктиг болгаш организаствыг хандырылга айтырыгларыңга таваржып турар, ынчангаш Төлээлекчилер палатазының улам быжыгып ажылдаарыңга хамаарышкан организаствыг айтырыгларга болдунар-ла дуза көргүзеринге беленин ТР-ниң Чазаның Даргазы илергейлээн.

(Уланчызы 2-ги арында).

ХООЙЛУЛАРНЫ КАДЫ АЖЫЛДАП КЫЛЫР

(Төнчүзү. Эгези I-ги арында).

Комплекстик бо айтырыгларны шиитпилээрин узамдыктырар болза ийи палатанын ажил-чорудулгазынга маргылдаалыг болгаш чөрүлдээлиг айтырыглар тургустунуп кээп болур, ындыг чорук Улуг Хуралдын моон сонгааргы ниити ажылынга багай салдар тургузуп болур.

Чаа Парламентинин долу күш-биле ажилдаарынга холбашкан чамдык айтырыглар талазы-биле боттарының бодалдарын илереткен Д.К.Х. Ооржактын болгаш В.М. Оюнун бодалдарын кичээгейли-биле дынааш, ТР-нин Чазаның Даргазы бодунун бодалын база илереткен. Чижээ, ийи палатаның депутаттарынын эрге-байдалын тодараткан айтырыгга хамаарыштыр олар болза чангыс парламентинин депутаттары болгаш даргалары бооп турар деп, Ш.Д. Ооржак сагындырган. Бир-тээ, мурнундагы Дээди Хуралдын эрге-хоойлу салгакчызы ТР-нин Конституциянын езугаар ниитизи-биле Улуг Хурал болганда, чаа Парламентинин ийи палатанын депутаттарынын эрге-байдалы дең болур, бирээзини улуг, өскезини

бичии болбас ужурлуг деп, ол чугаалаан. Кайы-даа палата бодунун ажылын кылып, бодунун бүрүн эргелерин боттандыраар хоойлужулга нормаларынга дүүштүр боттандыраар ужурлуг. Хоойлужулга чорудуунун киржикчилеринин ажылынга садылаашкын кылып болбас.

Ужуражышкынның түңнелинде тургустунуп келген айтырыгларны кады шиитпилээрге талазы-биле дугуржулга чедип алдынган. Улуг Хуралдын ийи палатаның депутаттарынын болгаш республика Баштыңынын сонгукчулардан алган чагыглары барык долузу-биле дүгжүп турарын ужуражышкынның киржикчилери демдеглээн. Республиканың күрүнө эрге-чагырга органнарын аразында моон сонгааргы кады ажилдажылганың тодаргай механизм тодарадып турар республиканың чаа хоойлуларын белеткээр, чугаалажып көөр болгаш хүлээп алыр талазы-биле кады чорудар ажилдарның планнарын ажилдап кылыры талаларның дугуржулга-чөпшээрэжилгезин езугаар эгелээн.

Л.НАТПИТ-ООЛ.

«Федералдыг күрүнө хереглелинге продуктулар садар дугайында» 1994 чылдың декабрь 13-те №60 Федералдыг хоойлуну болгаш «Күрүнө хереглелинге продуктулар садын алырын организаастаар үеде коррупцияны бөлдүрбас болгаш бюджет чарыгдалдарын кызырар дугайында» РФ-тин Президентинин 1997 чылдың апрель 8-те №305 Чарлыын боттандыраар хемчеглер дугайында

ТЫВА РЕСПУБЛИКАНЫҢ ЧАЗАНЫҢ ДОКТААЛЫ

2002 чылдың ноябрь 30 № 906 Кызыл хоорай

«Федералдыг күрүнө хереглелинге продуктулар садар дугайында» 1994 чылдың декабрь 13-те №60 Федералдыг хоойлуга болгаш «Күрүнө хереглелинге продуктулар садын алырын организаастаар үеде коррупцияны бөлдүрбас болгаш бюджет чарыгдалдарын кызырар дугайында» РФ-тин Президентинин 1997 чылдың апрель 8-те № 305 Чарлыына болгаш «Тыва Республиканың Күрүнө чагыгларын эргелеп-башкаар талазы-биле яамызының дугайында» ТР-ниң Чазаның 2002 чылдың август 22-де №616 доктаалына дүүштүр Тыва Республиканың Чазаның доктаадыры болза:

1. Дараазында хемчеглерни бадылаар: Тыва Республиканың күрүнө чагыгларын тургузар болгаш Тыва Республиканың хереглелинге барааннар чорудар, ажилдар күүседир, ачы-дуза чедирер күрүнө керээлеринин күүселдези дээш контроль айтырыгларының талазы-биле Тыва Республиканың күүсеки эрге-чагырга органнарын болгаш ТР-ниң күрүнө чагыкчыларының кады чорудар ажилдарының чурумун;

2. Тыва Республиканың Күрүнө чагыгын эргелеп-башкаар яамызы, Тыва Республиканың Шүүгү херектеринин талазы-биле яамызы моон мурнунда хүлээп алган норма-эрге-хоойлу актыларын бо доктаалга дүүштүр ажилдап кылыр.

3. Бо доктаалды «Шын» болгаш «Тувинская правда» солуннарга парлар.

4. Бо доктаалдын күүселдези дээш контроль чорударын Тыва Республиканың Күрүнө чагыглары эргелеп-башкаар талазы-биле яамызына, Тыва Республиканың Саң-хөө яамызына дагзыр.

Тыва Республиканың Чазак Даргазының бири **Оралакчызының эрге-хүлээлгезин күүседип турар А. МЕНЧИКОВ.**

САГЫШ САЛЫЫШКЫННЫҢ АЧЫЗЫНДА

Ажыл-херээвистиң аайы-биле Каа-Хем кожуунун Суг-Бажы сумузунга чедө бээривиске, суму чагыргазының даргазы шөлээлей берген болду. Дарганың оралакчызы Лариса Чамдыылай бисти хүлээп алды. Суму

кагыргазы девискээринин социал-экономиканын хөгжүдөр, чурттакчы чонун амыдырал-чуртталгазын экижидер, корум-чурумну быжыглаар дээш кандыг хемчеглерни ап турарын чугаалап бээрин оон диледивис.

кажынын эки чурттаары чүгле бодундан хамааржыр деп чүвени биле берген. Ынчангаш ааш-чем аймаан бүдүреринин, акша-көпөөк ажилдап алырының аргаларын боттары дилеп, тывынгыр езу-биле ажилдап эгелээн. Ынчангаш сумуда чедиммес амыдыралдыг өг-бүлелер чок. Чон бодун боду хандыртынып, багай эвес чурттап орарлар деп, Лариса Болай-ооловна тайыл-

кажынын эки чурттаары чүгле бодундан хамааржыр деп чүвени биле берген. Ынчангаш ааш-чем аймаан бүдүреринин, акша-көпөөк ажилдап алырының аргаларын боттары дилеп, тывынгыр езу-биле ажилдап эгелээн. Ынчангаш сумуда чедиммес амыдыралдыг өг-бүлелер чок. Чон бодун боду хандыртынып, багай эвес чурттап орарлар деп, Лариса Болай-ооловна тайыл-



бырлады.

Оон ангыда уруглар пособиенин, пенсияның акшазын чон чогуур үезинде ап турар. 1998 чылдың уруглар пособиенин эрезин үзе санашкан. 1999 чылдың уруглар пособиенин акшазының чартык-чамдызын төлөп эгелээн бис. Кожуун чагыргазының даргазы Сагаан-оол Долгар чонун канчаар чурттап, амыдырап орарының байдалын эки билир, оларның дилеглеринге, негелделеринге дыңнангыр, сагыш човаачал дарга болуп турарын дарганың оралакчызы мактады. Чамдык кожууннарда уруглар пособиенин өре акшазын төлээри бергедеп турда, кандыгла-бир органы ол тып алгаш, ону төлөп турар. Чонун дилеглеринге дыңнангыр. Чамдык улус чугула хереглээш, шалынын бир ай бурунгаар бээрин дилээрде, ону чөпшээрээр. Суг-Бажы ортумак школазының башкызы Валентина Кактак шак ындыг болгаш өске-даа дузаны чонга көргүзүп турары дээш кожуун даргазынга өөрүп четтиргенин чылыг сестерин чугаалап турарын биске ол дыңнатты.

Корум-чурумну быжыглаарынче суму чагыргазы доктаамал

да чок. Улуг назылыг улустун аразында чеди кижии арагалаарынга хандыкшылдыг, оларның биле ажилдап турар. Сумуда шагданын участок төлээзи чок-даа болза, суму даргазы Геннадий Наксыл корум-чурумну быжыглаар берге болгаш харысгалалыг ажилды боду удуртуп, байдалды элээн экижиткен.

Суг-Бажы суму чагыргазы бот-башкаарнып тургаш, бодунун девискээринин экономикаын хөгжүдөр, чонун амыдыралын экижидер дээш ажилдап турар. Оларның мурнунда кылыр болгаш шиитпилээрге ужурлуг айтырыглар хөйүн Лариса Болай-ооловна Чамдыылай бистерге чугаалап олурду. Моон алырга, бодунун ажил-херээнге бердинген удуртукчу деп билдирис. Бо албан-дужаалга алды чыл ажилдаан кижии болду, ынчангаш чүнү кылырын эки билир. Сумунун ажил-чорудулгазы-биле чергелештир чонун дыштанылганын чөптүг организаастаарынче, кадыкшылын быжыглаарынче сагышты салып турар. Ылаңгыя Чүрек-Дөргүн аржаанының ажылын экижидерин чугулап көрдү.

Таан-оол ХЕРТЕК.

ЧУРУКТА: Л.Б. Чамдыылай.

Авторнун тырттырган чурум.

ТР-ниң Чазанда КОЛЛЕГИЯ СОСТАВЫН БАДЫЛААН

Тыва Республиканың Чуртталга-коммунал ажил-агыиының реформазының талазы-биле күрүнө комитединин коллегиянын 14 кижии составтыг кылдыр бадылаар дугайында доктаалды Тыва Республиканың Чазак хүлээп алган. Даргазынга ТР-ниң Чуртталга-коммунал ажил-агыиының реформазының талазы-биле күрүнө комитединин даргазы К.Ч. Монгушту томуйлаан.

ТОМУЙЛААШКЫН

Тыва Республиканың кадык камгалал сайыдының бири оралакчызы Валерий Самбылдаевич Ховалыгны дүрген чарган күш-ажылчы керээге дүүштүр томуйлаар дугайында доктаалды Тыва Республиканың Чазак хүлээп алган.

Тыва Республиканың кадык камгалал, эм-тан болгаш техниктиг хандырылга сайыдының бири оралакчызы албан-дужаалдан Валерий Николаевич Ширипейни хостаар дугайында доктаалды ТР-ниң Чазак хүлээп алган.

